

**Muhyiddin Berbuka Bersama Kira-kira 100 NGO
Bernama
8 Ogos, 2012**

PUTRAJAYA, 8 Ogos (Bernama) -- Timbalan Perdana Menteri Tan Sri Muhyiddin Yassin Rabu menghadiri majlis berbuka puasa bersama kira-kira 100 pertubuhan bukan kerajaan (NGO) di kediaman rasminya, Sri Satria, di sini.

Antara NGO yang hadir ialah Majlis Belia Malaysia, Kongres Kesatuan Pekerja-Pekerja Dalam Perkhidmatan Awam (Cuepacs), Gabungan Persatuan Penulis Nasional Malaysia (Gapena), Majlis Perundingan Melayu, Gabungan Pelajar Melayu Semenanjung (GPMS), Majlis Perwakilan Pelajar Universiti-universiti, Kesatuan Perkhidmatan Perguruan Kebangsaan (NUTP), dan Gabungan NGO Malaysia.

Selepas berbuka, Muhyiddin menunaikan solat Maghrib bersama para hadirin sebelum kembali ke khemah khas yang didirikan di perkarangan Sri Satria untuk meneruskan majlis.

Timbalan Perdana Menteri kemudian menyampaikan sumbangan bantuan kepada kira-kira 55 anak yatim dari Kampung Laksamana dan Kampung Sungai Cincin, Gombak.

-- BERNAMA

Copyright © 2012 BERNAMA

Source: <http://www.bernama.com/bernama/v6/bm/newsindex.php?id=686696>